

Pasca de is Tres Urrès



Isportellu Subracomunale de Àrthana

PROGETU "SU SARDU OGNI DI E IN OGNI LOGU"- ANNUALIDADE 2023



Suia
snc



Comunu de
Àrthana




Comunu de
Irbono



Comunu de
Elini



Comunu de
Biddamanna




**SU 6 DE GENNÀRGIU, SA DÌ DE S'EPIFANIA, SI FESTAT SU
MOMENTU CANDO GESÙS SI FUT AMMUSTRAU A SU MUNDU.**

**IS PRIMOS A DDU CONNÒSCERE COMENTE RE FURINT
STÈTIUS TRES PERSONÀGIOS PARTICULARES, MUTIOS IS
TRES URRÈS.**

**MA E CINI FURINT? E COMENTE FURINT LÒMPIOS
A SA RUTA DE GESÙS?**




**DE MEDA E MEDA, IN ORIENTE,
DDOE TENIAT TRES RÈS.
BIVIANI IN LOGOS DIVERSOS E
NON SI CONNOSCIANT A PARE.
UNU SI NARÀT GASPARE, E
FUT PERSIANU, SU SEGUNDU
BALDASSARE, E FUT
BABILONESU, SU DE TRES FUT
MELCHIORRE, E BENIAT DE SA
FENÌCIA.
TOTU E IS TRES FURINT SPERTOS
DE ASTONOMIA E OGNA NOTE
COSTUMÀNT A POMPIAE SU CELU
PO STUDIAE IS STEDDOS.**



**UNA NOTE IN CELU FUT BESSIU UNU
STEDDU NOU, PRUS MANNU DE IS ÀTEROS E
PRUS LUXENTE. FUT UNU **STEDDU COUDU!**
IS TRES URRÈS ISCIANT CA CUSS'ASTRU FUT
UNU SINNU SPECIALE: BOLIAT NAE CA IN
CALINCUNA PARTE DE SU MUNDU FUT
NASCENDO UNU RE! PO CUSSU SI FURINT
POSTOS IN BIAXU, DETERMINAOS A ANDAE A
DD'AGATAE, PO DDU ONORAE E PO DDU
STRINAE.**

**CAMINA CAMINA GASPARRE IAT OBIAU A
BALDASSARE, E POI A ISSOS SI FUT UNIU
MELCHIORRE, E PARIS IANT SIGHIU A ANDAE**






A DDIS INDITAE SU CAMINU DDOE FUT SU STEDDU COUDU.
MA PAGU PRIMU DE LÒMPERE A GERUSALEMME SI DD'IANT
PÈRDIU DE VISTA E NO ISCIANT COMENTE FAE.

TANDO IANT PEDIU AXUDU A ERODE, SU RE DE SA CITADE,
DOMANDANDODDI CI ISCIAT E UBE FUT SU RÈ DE IS RÈS CI
FUT DERETU DE NASCE.

ERODE, IMBIDIOSU CA NCE PODIAT ÈSSERE UN'ÀTERU RÈ PRUS
IMPORTANTE DE ISSU, IAT SPÙNDIU CA NO ISCIAT, MA IAT
PEDIU A IS TRES URRÈS DE DD'AVISAE CI DD'ESSENT AGATAU.



DESUNCUNAS SU STEDDU COUDU FUT TORRAU A BESSIE
IN CELU. E GASPARRE, BALDASSARE E MELCHIORRE
DD'IANT SIGHIU FINAS A BETLEMME.

TOTU PARIS SU STEDDU SU FUT FIRMAU IN PITHU DE
UNA RUTA IMPREADA COMENTE STADDA DE SA GENTE DE
SU LOGU. AINTRO IANT AGATAU A MARIA E GIUSEPPE
ANNINNIANDO A GESÙS, CAENTAU DE SU SÙLIDU DE
UNU BOE E DE UNU COCINEDDU.





PERI CI ÈSSERET AINTRO DE UNA RUTA, IS TRES URRÈS IANT
CUMPRÈNDIU CA CUSSU PIPIU FUT SU RE DE IS RÈS. DUNCAS
DD'IANT STRINAU OGNUNU CUN UNU DONU DIVERSU:
MELCHIORRE DD'IAT DONAU S'ORO, BALDASARRE
S'INCENSU, GASPARRRE SA MIRRA, SÌMBULOS DE
REGALIDADE, DE DIVINIDADE E DE ETERNIDADE.
PO CUSTU MOTIVU IN SARDU S'EPIFANIA SI NARAT
PASCA DE IS TRES URRÈS
IN ITALIANU "PASQUA DEI TRE RE"



CANDO IS TRES URRÈS FURINT PO SI ND'ANDAE, FUT BESSIU DE CELU UN'ÀNGELU PO DDOS AVISAE DE NON FAE DE SU PRÒPIU CAMINU PO TORRAE A DOMU, POITE ERODE FUT CIRCANDODDOS.


SENDO CA NO IAT SCOPRIU E UBE FUT GESÙS, ERODE IAT ORDIANAU A IS SORDAOS DE OCIE TOTU IS PIPIOS PITICOS DE SA GIUDEA. SA NOTE ETOTU UN'ÀNGELU FUT BESSIU IN SU SONNU A GIUSEPE, AVISANDODDU CA GESÙS FUT IN PIRÌGULU. SU MANGIANU A CITHU TANDO IANT MÒVIU E SI FURINT ATACAOS IN EGITU FINAS A SA MORTE DE ERODE.





**CUSTU CONTU DE IS TRES URRÈS EST
SCRITU IN SU VANGÈLIU SEGUNDU
MATEU, MA IN SU TEMPUS FUNT
NÀSCIUS PERI ÀTEROS CONTOS,
COMENTE CUSSU CI CONTAT CA IS RES
BÈNNIOS DE S'ORIENTE, DURANTE IN
SU BIAXU INSORO, FURINT STÈTIOS
IRRICIOS DE UNA FEMINEDDA BÈCIA
MUTIA BABUSHKA, EST A NAE SU
NÒMENE ANTIGU DE SA BEFANA.**





BONA PASCA DE IS TRES URRÈS

Isportellu Subracomunale de Àrthana

PROGETU "SU SARDU OGNI DI E IN OGNI LOGU"- ANNUALIDADE 2023



 **Suia**
snc



Comunu de
Àrthana



Comunu de
Irbono



Comunu de
Elini



Comunu de
Biddamanna